



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Dissertationes Juridico-Theologicæ De Jure, & Justitia**

**Karchne, Simon**

**Augustæ Vindelicorum ; [Graz], 1714**

Reverendissimis, Perillustribus. Ac Clarissimis Dominis, Dominis SS.  
Theologiæ Doctoribus, Protonotarijs Apostolicis, & c.

**urn:nbn:de:hbz:466:1-40013**



REVERENDISSIMIS, PERIL-  
LUSTRIBUS. AC CLARISSIMIS DO-  
MINIS, DOMINIS SS. THEOLOGIÆ DO-  
CTORIBUS, PROTONOTARIJS APO-  
STOLICIS, &c.

**B**ERNARDINO PISCON, Celsissimi Principis Ar-  
chi-Episcopi Salisburgensis Consiliario Consistoriali, per  
Neostadiensem districtum in Austria Archi-Diacono, Decano  
& Parocho in Weizberg, &c.

**ANDREÆ KHRONAWETHVOGL**, Celsissi-  
mi Principis Archi-Episcopi Salisburgensis Consiliario Consisto-  
riali, per districtum Voraviensem Archi-Diacono, Urbis Græ-  
censis Parocho confirmato, &c.

**MATHIÆ BERNARDO PECHEL**, Celsissi-  
mi Principis Arch-Episcopi Salisburgensis Consiliario Consisto-  
riali, intra Muram, & Dravum Archi-Diacono, Parocho in  
Straßgang, &c.



REVERENDISSIMI,  
PERILLVSTRES AC CLA-  
RISSIMI DOMIN , DO-  
MINI.

**S**I, quemadmodum Jura inquirunt , *defensoribus pluribus uti nemo prohibetur* , licebit sanè Patronos etiam plures compellare , qui , qua eminent Authoritate præ cæteris , tutelam rei sibi devotæ , inscriptæque tantò firmiùs patrocínio suo sustineant. Ista mihi ad Vos accedenti , Reverendissimi Domini , fuit fiducia. De patrocínio operis à me in lucem emittendi circumspicere cœpi: cùm unius quidem Authoritas , atque Nomen sufficeret , tres occurrístis Viri Clarissimi , Dignitatis Sacræ fastigio , doctrinæ præstantiâ , tum animarum Zelo insignes omnes. Proinde , ne in delectu istiusmodi Patronorum diu hærerem , tria simul Veneranda Capita Complecti ausus sum , quibus Dissertationes has meas de Jure , & Justitia Juridico - Theologicas nuncuparem. *Tria sunt omnia* , Philosophus dixit ; numero

mero item ternario Gratias omnes definivit culta antiquitas: Gratiam inde me aliquam lucubrationi huic meæ conciliaturum cur non ominer, utpote quæ sub numero tam auspicato emittitur? Etsi autem tres estis, Reverendissimi Domini, unum tamen veneror, id est: Ecclesiastici honoris Vestri fastigium, in quo mira meritorum, & laborum consensione sub eodem Diocesano Antistite eadem Vos Archi-Diaconatûs prærogativa conjunxit; ad quod vestigijs paribus singuli, spectatâ, inquam, virtute, & Sapientiâ Vestrâ ascendistis. Quamvis enim Episcopales post Infulas prima Archi-Diaconorum est dignitas, & (quemadmodum ex Conciliorum Decretis Jus Canonicum loquitur) *Episcoporum Vicarios Generales natos, Manus eorundem & Oculos Ecclesia Vos constituit*, dixitque: Superat tamen illud, quod de Vestro ipsi ad honorem hunc tantum attulistis. Multos Doctrinæ copia, experientia multiplex, & in agendo dexteritas alios, virtus (uti decet) plurimos super Candelabrum Ecclesiæ posuit; tanquam dignos è dotibus singulis, quorum meritis, ac fidei committi pastorale Officium tutò possit. In Vobis collecta copio è hæc omnia quis non miratus est? de doctrina quidem Vestra pridem testis, ac arbitra Sententiam dixit Græcensis nostra Literarum Universitas, quæ nunc etiam in decoratis purpurâ à se Vobis Theologiæ Doctõribus gloriatur; quod mihi pariter momentum non leve addidit, ut elucubratum hoc loci Juridico-Theologicum opus Vobis, id est, jis inscriberem, qui & sapienter de eo judicarent, & oblatum benignè fusciperent. De experientia, atque usu muneris Sacri multiplici, si anni inter vigilantissimam animarum curam, exacti minus loquerentur, ex jis palàm est, quæ in parœcijs, ac diocesesibus singuli Vestris cum summa ac-

curationis & prudentiæ laude constituistis. Quotidiana sunt, quæ coràm in Vobis oves Vestræ, & nos per sæpe è propinquo suspicimus virtutum decora, Religionis, Zeli animarum, pietatis, temperantiæ, in egenos liberalitatis, paterni ac fermè popularis in quosvis affectûs studia; talia omnia, quibus mirum quàm devinctos omnium animos, fideles autem præcipuè Vestros doctrinæ Vestræ, & nutibus obsequentes tenetis. Id curæ olim præcipuè ex legum præscripto Sacris Præfulibus fuit, ut Archi-Diaconos legerent *doctrina & eruditione præstantes*; felix per Vos amplius nostri temporis ætas, quæ, præter illas ingenij dotes, probitatem eximiam, & pulcherrimam exempli vim, ad spectatissimum cetera Archi-Diaconi nomen videt adjunctam, Nec jam ultra Meinulphum aliquem Paderbornensibus, non Adalbertum Trajectensibus, utrumque sanctis jam adscriptum, non Petrum Bleffensem Bathoniæ, Guidonem Bononiæ, Henricum à Gandavo Fornacensibus, magni nominis, quia doctrinæ & virtutis magnæ, Archi-Diaconos invidemus, si pares Vobis in eodem fastigio plures isthæc patria numeret. Quamquam frustra sum, qui occupari longiùs velim ea laudum serie, quam & gravem scio modestiæ Vestræ; &, si æquam velim dependere, separatis longùm capitibus excurrendum mihi foret per singulos. Ejusmodi estis, quos nominari tantundem, atque laudari est. Hoc solùm volui, ne nesciretis, Reverendissimi, ac Clarissimi Domini, Nomen Vestrum fuisse, in eo honoris Sacri fastigio collocatum, quod, uti ad amorem venerationemque Vestri pertrahit plurimos, mihi pariter magnæ extitit defendendi qualiscùnque cultûs hujus, quem in libro accipitis. An Vobis operis argumentum conveniat, dubitare non potui. Si enim

enim id Vestrum est , ad Justitiam erudire multos , si docere ,  
 quid DEO , quid proximo debeat , si divina , humanaque Jura  
 tueri verbo , & factis fatemini , si denique Judiciorum Sacrorum  
 arbitri in diocesis singuli Vestris fungimini , an non rectè Jus ,  
 & Justitiam in manibus Vestris depono ? Conatus id sum , ut  
 ad praxim quorumlibet ferè statuum scriptionem hanc meam di-  
 rigerem ; sin assecutus parte aliqua id ipsum non sum , benevo-  
 lentiã saltem , & autoritate Vestrã id omne compensatum iri  
 confido. Accipite igitur , Reverendissimi Domini , meã hanc  
 erga Vos observantiã tesseram ; & quoniam boni publici , cui  
 scripsi , promovendi curam inter primas semper habuistis , ean-  
 dem favore Vestro , & patrociniõ , opellã meã annuite. Pre-  
 cor DEUM Optimum Maximum , ut diu Vos Ecclesiã suã ,  
 Styriã nostrã , tum animarum subditarum solatio commodoque  
 incolumes superesse faciat. Datum Gracij die 1. Novemb, 1713.

*Reverendissimis , Perillustribus ,  
 ac Clarissimis Dominationibus*

*Perpetuũ devotus*

Simon Karchne.

FA.